

本校史略

資料室

言之不文，行焉不遠，不著於書，傳焉弗詳。故文以載道，以傳後，非可苟焉而已也。是以世界大事，有世界史以誌之；國家大事，有國史以誌之；個人事略，有傳記以傳之。蓋所以明始末，別善惡而勗來茲也。本校有三十年之歷史，其間興替沿革，多有足述。際茲校慶專刊面世，爰彙錄過去，藉作參考，并聊供留心本校文獻者之一助。

(一) 成立初期與命名之由來

民國八年，本嶼僑領陳新政，林如德，許生理先生等，以嶼中閩僑衆多，尚無一閩僑創立之女子學府，以教育僑界女子，因於是年三月十七日假平章會館召開旅嶼閩僑大會，討論組織女校方法，推舉陳新政，林如德，許生理先生等九十一人董其事，并訂翌年元月十五日爲開學日期。各項籌備既經就緒，開學日因報名入學人數過少，一再展期。至三月八日，乃舉行開學典禮，是爲本校成立之始。創立初意，原無地方畛域之見，其以福建女校爲名者，實因當時欲移用籌賑福建水災公款，因以福建二字命名，取名實相符也。

(二) 校舍之擴展與新校之籌建

學校設立之初，原係租賃柑仔園前三山公所社址，地非

適中，學生來學不多。每年收支不敷甚鉅，因於民國十二年幾經籌劃，以三萬元購置打石街一百四十五號爲校舍，是爲本校自有校舍之始。民國十六年，增設三年制師範，提學司詔師範教室空氣光線未盡充足，飭令另設分校，并允如設分校，每學期可獲增加津貼四百元。當時校董諸君以另設分校，如地點距離過遠，則難免管教發生困難，提議於學校後進，另築二層樓宇一座，分闢四教室，則空氣光線問題，自可迎刃而解。此議旋獲提學司同意，即日興工，於翌年一月一日舉行落成典禮，於是本校校舍又獲一新擴展，（此座新建築於日軍南進時首遭炸燬）民國二十年爲適應需要，再於南華醫院街八十二號開設第一分校，民國廿一年遷至夜蘭亞珍九十三號，計此時學生已達十數班，人數已及四百餘名矣。民國廿四年，鍾靈中學金榜峇汝新校舍建築完成，將原有中路六十五號樓宇讓出爲本校應用，即今之中路分校，亦即國父孫中山先生初到檳城時寄寓之地也。此處地雖寬敞，但以學生來學日多，仍未足供實際之需要。因再於民國廿六年設第二分校於加拉至律，廿八年遷往浮羅池滑。此時學生人數已由六七百人增加至將近千人，而每年學生進校仍與日俱增。於是亟謀建築新校，屢以巨款難集，事不果行，民國卅年頃，校董劉玉水先生有意將購置金榜峇汝靈鍾右鄰現爲市廳建築公務員住屋之地址，割出六英畝爲本校校址之用。後因

該地為市廳徵用，此議遂無形打消。至此二次歐戰爆發，日本接踵南侵，本校停辦將近四年，至民國卅四年，經全校董教學生全體動員，積極募捐，始勉強湊足數萬金，購置安順律現有校地，至於地面建築之完成，尚有待來日吾人之最大努力也。

(三) 歷年學生人數概略及其班級編配

因社會風氣未開，初期本校學生人數寥寥，至民國十一年乃始略有增加，人數一百二十名，分四班教授，聘教員五人分任各級功課。民國十二年，學生一百七十五名，分設國民四級，高小三級。民國十五年，學生增至二百二十名，時嶼中女學雖有多間，但人數之衆，本校實為首屈一指。民國十六年，因增設三年制師範，學生人數，亦隨之增加，分設國民五班，高小二班，師範一班。人數為三百三十餘人。十七年再增師範二年級一班，人數四百餘人。以後學生或多或少，班級亦時有增減，至民國廿一年，師範班由三年制改為四年，正分校學生合計六百名。民國廿四年遷入中路六十五號後，人數再增，設第二分校於加拉歪律及浮羅池滑，到民國卅年，學生已及千人以上，至此學校因日軍南侵停辦，民國三十四年十一月復校，浮羅池滑分校取銷，除完成十四屆蘭師及辦一班師範速成班外，即改辦初中及高中，民國三十

七年循當地政府意辦高中師範，至去年止，高小已畢業廿六屆，蘭師十四屆，初中第五屆，高中第二屆，高師第一屆。全校有學生人數一千三百餘人。

(四) 歷任校長

學校之能有如是發展，固由於社會人士之愛護，而歷年主持校務首長之少有更易，使能專心於預定計劃之實施，亦為最大原因。本校初期首長，係採教務長制，至民國卅四年復校後，始用校長名義。民國九年，學校初辦，教務長人選，一時未定，因從教員中物色陳蘊美女士暫為代理，其後朱素英女士被聘到校，是為第一任教務長，繼朱女士者為張清和女士，張女士於民國十二年八月去職，楊和林女士繼之，在任五年，至民國十八年辭職回國，聘李蘊德女士繼任，民國二十年李女士亦去職，由現任教務主任廖寶和女士代理，凡三年，至民國廿四年始由現任朱月華女士來校接長，以迄於今，凡十數年，為歷任校長中服務最久者。

計自開辦以來，三十年間，自初小，高小，蘭師，初中，高中，高師。學級凡三十餘，學生達千數百。迴溯既往，變易諸多，然能得有今日者，社會公家實多促進之力，此則未可或忘者，爰記其概略如此，其間如有探查未週，史料缺略，尚希閱者予以指示，以待補正。